


Tsan'wani n'waxilorana



Tsan'wani a ri xilorana xa
xitshopana xa madibana. A navela
ku va nkulu.


Siku rin'wana Tsan'wani a languta
xitimela xa wasi xa rivilo lexi a xi
hundza hi rivilo lerikulu.

"Ndzi navela wonge ndzi nga va
xitimela xa wasi xa rivilo," ku vula
Tsan'wani.



Kutani a vona bazi lerikulu ra
xilamula.

"Ndzi navela ku va bazi lerikulu ra
xilamula," ku vula Tsan'wani.




Endzhakunyana Tsan'wani a
vona xihahampfhuka lexikulu xo
basa no hatima xi haha ehenhla
empfhukeni.

"Ndzi navela ku va xihahampfhuka
xo basa lexi hatimaka," ku vula
Tsan'wani.




Tsan'wani a tsanile loko a vona lori
leyikulu yo tshwuka.

"Heyi, ndzi navela ku va lori
leyikulu yo tshwuka," ku vula
Tsan'wani.



Hi ndzhenga wolowo loko
Tsan'wani a wisile enambyeni, u
vonile byatso bya rihlaza.
"Ndzi navela wonge ndzi nga
va byatso bya rihlaza," ku vula
Tsan'wani.

Endzhaku ka sweswo, Tsan'wani
u vonile movha wo tshwuka wa
mphikizano.
"Ndzi navela ku va na rivilo ku
fana na movha wo tshwuka wa
mphikizano," ku vula Tsan'wani.



Hi xitshuketa, Tsan'wani a vona
xifanyetana xi wela endzeni ka
nambu.

"Pfunani!" ku huwelela mufana.
"I mani loyi a nga ta ndzi pfuni?"




"A hi mina", ku
vula xitimela.



"A ndzi nga swi koti ku yima."

"A hi mina", ku vula bazi. "Ndzi yima
ntsena eswitichini swa mabazi."



"A hi nga swi koti," ku vula lori na
movha wa rivilo.

"A hi swi koti ku nghena ematini."

"A hi mina", ku vula
xihahampfhuka.



"Ndzi le henhlā ngopfu."

"A ndzi nga swi koti", ku vula
byatso.

"Moya wu na matimba
swinene lero ndzi
tsandzeka ku jika."



"Kutani ndzi ta ku pfun!" ku vula
xilorana xa vurhena.

Xi diba maribye lama a xi wa
rhwele xi nghenisa madibana wa
xona endzeni ka mati leswaku
mufana a ta kota ku khandziya.

"Huree!" ku huwelela xifanyetana.
"Ndzi ponile!"



Huree!

"Inkomu xilorana xa xitshopana
xa vurhena!" ku vula mufana.

A wu fanelangi ku va
lonkulu leswaku u va
na vurhena.





Tilori

Tilori ta vamadibana ti rhwala swilo swo tika. Hi ti tirhisa ku rhwala sava na switina. Loko ti fanele ku chulula sava, ti diba sava laha ri lavekaka kona.





Swifambo swa mpfuno wa xihatla

Vanhu lava hi pfunaka va chayela swifambo swo hlawuleka.

Vatimela-ndzilo eka tilori ta vatimela-ndzilo va tima ndzilo.

Loko u vabya hi vitana ambulense.

Loko ku ri na nghozi ya movha, hi vitana lori yo koka.

Hi vitana byatso bya mpfuno wa xihatla loko hi lava ku pfuniwa elwandle.

Loko ku ri na nghozi leyi chavisaka swinene, hi vitana helikopitara ya mpfuno wa xihatla. Loko hi vitana maphorisa, va ta hi vhene ya maphorisa.







Micingiriko ya ku hlaya hi mitlawa



1

Hi marito ya wena, byela munghana wa wena
xitori u tirhisa swifaniso leswi landzelaka.



2

Hlaya u tlhela u hlamula swivutiso eka munghana wa wena.

- I yini vito ra xitori lexi?
- I mani vito ra ximunhuhatwankulu?
- Vula swilo swimbirhi leswi Tsan'wani a lava ku va swona.
- Hi swi tivisa ku yini leswaku Tsan'wani a ri na vurhena?





3

Hikwalaho ka yini swifambo leswi swi nga n'wi pfunangi mufana?

Tsala swivulwa ebukwini ya wena ya switoloveto.

A ndzi nga swi koti hikuva ...





4

Tsala marito lama nga eka kholomu yo sungula.
 Kutani tsala marito lama yelanaka hi mpfumawulo
 na rito rin'wana na rin'wana ra wona.

sava	xava	lava	leva
movha	lovha	moya	chovha
ribye	xibye	byala	byisa
rivilo	xirilo	rila	rima
chayela	kulela	chava	fayela
haha	huma	raha	laha



5

Ebukwini ya wena ya switoloveto, tsala 4 - 6 wa
 swivulwa hi **Tsan'wani n'waxilorana**.

Dirowa xifaniso ku kombisa xitori xa wena.

Tsala nhlokomhaka ya xifaniso xa wena.